

A Nosa Terra

BOLETIN DO PARTIDO GALEGUISTA

ANO XVII

Galicia (Santiago) 25 de Xulio do 1.933

Núm. 302

Suspensión do noso ferrocarril.
 Exclusión de Galiza nos cursiños de profesoras.
 Tratado co Uruguai que arruinará a nosa riqueza gandeira
 Aumento das contribucións.
 Ataque ao noso patrimonio artístico.
 Eis uns cantos agravios máis inferidos a Galiza n-ista derradeira tempada polo Poder central.

D I A D. E. G A L I C I A

Na encrucillada de todo o ano iste é o Día da gran Fraternidade galega

O NOSO DIA EN 1933 Interpretacións

Nista encrucillada espiritual do día de Galicia, todol-os seus fillos veñen a xuntarse na aberta xústa, quente e forte da Terra e da Raza.

Diante do día da nosa Terra, todas as loitas fraternas findan para abrir paso ás augas soturnas do noso espírito, e pór en comunicación viva as almas da gran Comunidade galega. Por enriba de todas as barreiras mesquiñas, cheias de soma de todol-os persoalísimos, de todol-os resentimentos, Galicia estende os seus brazos para xuntarnos a todos na quentura do sua aperta. Ista é a aperta lonxana que todos esperamos para tornar a renacer, para volver a refacer a nosa vida con claridades orixinaes de amabeceida.

Iste é o Día do magno Xubileo da nosa Terra, en que as almas se limpán, en que os irmáns se reconcilian, en que todol-os escarriados pol-os vicios da noite se reconecen á luz da gran bandeira branca do Lar común.

... das condempnadas carcerais de somas valerentas de xeneiras mesquiñas! Que ninguén se quede á porta!

Entremos todos, todos xuntos, e alcendamos un lume de corazóns aquecedor dos corpos e das i-almas. Un gran lume, unha labarada inxente que limpe todas as somas que se acubillan nas esquinas das concenias. Un gran lume que ruba por riba de todas as montañas i-encha de quentura todas as congostas. Un gran lume que traspase de luz as i-augas floridas do río profundo da nosa historia, por onde escorre —en amor i-en dor— toda a i-alma da Raza.

Arrequeitados nisa inxente labarada, recomencemos logo, os vieiros da nosa vida, alastrados co remol perenne do gran Lume nutricio. Tornemos todos con espírito limpo, outo e reito, á loita de todol-os días, pol-a grandeza e a liberdade da nosa Terra.

Irmáns! que ninguén falle ao redor do gran Lume que, na lareira perenne da Raza, se alcende niste Día, enchendo de lus todol-os camiños. Todos temos cabida. A todos se nos espera. Todos debemos acudir. De nos facel-o, virtan xentes extranas. Martirían o Lume. Estrarian o remol. E nós ficariamos na soma para sempre, sin Lume e sin Fogar.

Foi, sen dúbida, feliz a idea de celebrar, todos os anos, a nosa grande Diada. O día de Galicia é coma un relanço de paz nas nosas loitas internas, é a comunión n-unha emoción única de todos os galegos. É o grande día da paz galega. Por todos os vieiros cordiaes, unha pelerinaxe de irmáns aboca no foro do amor. I eisé se fortifica a profunda raigaña racial do noso corazón, e se aquilata o ouro da nosa esperanza nos destinos da Terra.

Compre que iste ano acentuemos o carácter fraterno da nosa festa. Vivimos momentos preñados de sustancia histórica. Temos que recrear unha patria, e ninguén pode ser xordo á auténtica voz nen traidor as naturais leises. Ser fiel a si mesmo é a única forma honrada de vivir. Pasarán os tempos e cada un terá que responder diante a historia, do seu labor presente. I entón caerá pauliña de un veredicto de culpabilidade encol dos que non souperon estar á outura do momento que nos tocóu vivir, e preferiron andar as escuras sendas do erro, pecando contra o espírito.

Os bens da autonomía han ser xenerosamente outorgados a todos, e inda os disfrutarán aqueles que non souperon ver o profundo senso de reconstrucción nacional contido n-aquela grande idea. Mais ben triste será a situación moral dos que se vexan refrixerados pol-a sombra de unha arbre que non quixeron sementar.

Patentes están as mostras da incapacidade que pra nos gobernar aqueixa ao centralismo. Vexan os que teñen ollos e oían os que poseen ouvidos. E comprendan os que non estén mergullados na lana da estupidez —pechos á luz da razón os cerebros escuros— cómo o que ten de vir, virá: porque a historia ten leises fadaes. Alonxar o intre da nosa liberación é amorear xeneiras o facer imposible a concordia. Xa se van acrando as fias dos que, entre os bós e xeneiros, coidamos posible a resolución dos nosos problemas n-un terreo de armonía co Estado hespañol. Que non nos deixe tamén a esperanza de que o ben de Galicia poderase atingir pol-a unión de todos os galegos. Que non teñamos que creer na necesidade de esmagar aos pegos de eiqui. De aboado doroso é ver como alá non nos entendén.

En Galicia é onde hai que ganar a batalla. Si se triunfa eiqui, non haberá forza que se poda opór eficazmente á consagración oficial da nosa personalidade. Non teriamos de acender nos nosos pechos o lume da xeneira común.

... do tempo, como pomba cansada de voar e que fica latexante e recollida.

Galicia será o que os galegos queiran, per enriba do que queiran os outros. E os galegos non poden querer o presente ominoso; háñse queimar n-unha arela de ben craro porvir.

R. CARBALLO CALERO

Saudades. Alboradas. Cantigas

Hoxe atopamos a nosa Terra, nas longuras do tempo, como pomba cansada de voar e que fica latexante e recollida.

É a onda que endexamáis quebra, pro sempre chea de vida, dun mar longo de adeuses.

Saudades: luars de amor que fan chorar i-enxoiñan as bágoas, agora, n-iste amencer da Patria.

Alboradas: Estralar de flores e recendos en mañás de amor como as baladas, antenas do espírito, nuncios do Rexurdimento.

Cantigas: Vivir de lembranzas; sempre as mesmas cantigas tráxicas, sonámbulas, saloucantes; sempre as mesmas cantigas das glorias pretéritas, das presentes angueiras.

Galicia noutroira heroica e deslumbeante nacera pra vivir a primacia do Occidente románico, dos pelerinaxes e dos cancioeiros. Nacera como a magnolia nun albre de gran outura, belida e orgullosa, de arume ondeado e fino coma un fume de nube esvándose... Galicia, como a magnolia, só podía vivir ó sol, ó sol da liberdade: E cando se lle roubou pra aprexiola nas tebras, na escuridade da opresión, Galicia como a magnolia, encheuse de enormes manchas escuras de disgusto —só podía vivir ó sol.

E agora é a esperanza, o pulo de arelas, anxeos dun futuro infindo. Son como estrelas das noites —si as noites son escuras, as estrelas brillan máis. Eu esquénzome de min. Fico á ouvir a grande armonía da música do vidoiro. Porque todo é tan armónico, como si fose orquestrado e rexido.

rola do presente, desamparada, no derradeiro esforzo, cos cabelos enormes das suas velas brancas, flotando nos ventos como unha bandeira abatida de desgracia.

O ceo peneira unha chuvia miuda que enveoa a paisaxe e a sensibilidade, mais o sol, irmán da caridade, esvae todo, anda pol-os montes e pol-os camiños da esperanza, a erguer, de vagariño, as follas da Terra que o inverno do esquecemento levóu.

Saudades. Alboradas. Cantigas. Baten, ritman, pendulan. Embalan ondas, embalan esperanzas, embalan soños. Ondas de cabelo, ondas de ollar, ondas de mar...

Saudades. Alboradas. Cantigas. Veñen coma os sons dos campanarios á facer resoa as lembranzas. É o país galego, coma un romeiro da historia, con anxeos do inédito. O momento. A voz do pasado, resoa así, no Día da Patria, en berros chamantes, en volutas e floróns, en oxivas. Resoa atopando o futuro, e voltando como as andurriñas, n-unha onda de estrelas, á pedir como premio o universo...

FRANCISCO F. DEL RIEGO

Fai dazasete anos que se pubrica A NOSA TERRA pol-o esforzo dun feixe de homes; agora ten que se impóre pol-o entusiasmo de todol-os

Día de Galicia. Qué?

Falta a interpretación xusta dista Festa. Mentras para moitos se perde nun gran révo de follas de cöres, de verbas, de percalinas, de foguetes, de procesións, sin ningunha efectividade, para outros é un movemento de fonda realidade material, algo con sustancia en si, con plenitude satisfactoria.

Nin uns nin outros teñen razón. Non teñen razón os que pensan que o por qué do Día de Galicia son as procesións cidadanas, as bandeiriñas azuls e brancas, os manifestos, os mítins, etc. Iso, de quedar ahí, sería unha estupidez e unha engañifa. Todo iso non tería outro fin que emborar ao pobo con fogos de cöres, con verbas mortas, con flores de papel. Encheriamoslle os petos de papel. Encheriamoslle os ollos de cöres, e deixariamoslle a i-alma valdeira, coa amargura da mesma soma de irredención cravada no seu peito.

Si isto que pensan tantos galegos por ahí, tantos galegos que pensan que para sel-o só se precisa iso; os galegos que coidan que o noso espírito está encerrado na burda «galegata» con que se nos desacredita e se nos caricatura, terían razón os que rexecitan todo isto como estéril, insincero e falso. Pero non teñen tampouco razón. Pre-

un movemento de masas.

En todo movemento de masas, de pobos, hai sempre un fondo de arelas infindas, indetermiñadas, que precisan tempo e maturidade para concretarse. Quen non vexa iste cúmulo escuro de infindos degarros nas masas campesinas que hoxe baixan ás cidades da nosa Terra, é cego de nacemento ou cego de mala fe, que é a peor cegueira. ¿Que buscan estes campesiños de pesados zocos das aldeas da Cruña e de Lugo? ¿Que buscan estes marifeiros de falar mimoso das costas de Pontevedra? E ises profundos, poetas e aventureiros de Ourense, ¿qué buscan? Buscan toda a sua vida.

A insatisfacción de toda a vida galega, oscura, enterrada, deturpada, perdida en todol-os vieiros, é a arela diste Día de Galicia. Búscanse así mesmos. Buscan o seu ser íntimo, para afincarse, para non morrer. Buscan á Galicia que lles esconderon, porque non lle la puideron roubar. Buscan a ledicia, o sol e a fartura de cada cañiña en soma.

Isto, é verdade, non se lles dá niste Día. Pero é que isto non se dá, isto conquírese. Os pobos son os que fan a sua vida, e ninguén máis. Iste Día é a gran xuntanza en amor i-en dor, feita na encrucillada dos camiños de todo o ano. É o intre espranzado en que o pobo —antes en cadeas— baixa á sua Terra para tomar forzas que o sosteñan en espera do Gran Día da sua liberación. Isto só basta para que iste Día teña para todos a máisima importancia de todo movemento de pobos oprimitos que van en busca de seu porvir. E obriga de todos é manter moi outo o fervor íntimo diste Día auroral, no que xermolan os fogos da gran epifanía de Galicia.

A. I.

